


豐潤縣志


皇清縣志




周

考







廟隍城
麻娘娘廟
神財寺
法宏寺


廟代三


寺佛石

常平倉





縣署






學校







牛鼎



象樽





序

志乘之作于他邑易于豐潤難何也縣于古無主名志于今無善本漢爲土垠徐無石城無終唐爲玉田金爲永濟後更豐潤金史於永濟沿革皆未了了且注豐潤曰太和間置前輩已非之況正史以外諸書乎縣志爲前令羅景泐邑人曹鼎望重修定本漢縣偏舉土垠唐縣忽爲薊川不問元明易閏爲潤以至陳宮石鼓之穿鑿附會八景之支離不根又其甚者劉振世李昌汴趙登高不爲立傳殷壯猷則并逸其名而庸庸儕輩轉得與徐樂田疇諸賢分顏抗手迷謬失倫殆莫可究詰矣予濫膺表率屬望於蒞茲土者相爲更訂數年而不一遇吳君愛山好學嗜古爲蜀中名進士授涑水令有政聲調繁豐潤視事之始讀舊志而陋之毅然以修輯爲已任公餘繙閱書史編摹撰述有不安者削其稿常至夜分弗稍輟閱半載書成質於予則予向所尋繹而未愜者一考証辨駁且於取義成仁諸公採方言搜家乘各具本傳紀之皆勃

勃有生氣焉歐陽子曰修於五代史竊有善善惡惡之意予於愛山亦云然他日愛山又過予曰羣書可正古蹟之訛碑碣可補惜疆域未能徧歷見聞未能廣闊屬有所思願秘之而弗出也予曰泰山不讓土壤而不必盡天下之培塿河海不擇細流而不必罄天下之溝渠紀載不廢諮詢而不必窮一時之間見君於此役業已旁搜博採克殫厥心縱耳目所及尙有未周留俟後人補闕可也奈何秘而弗出哉愛山無以應驩然而笑退而授之剞劂氏旣歲事復索序於予乃記其答問之語於簡端皆乾隆十九年甲戌秋八月遵化直隸州牧新鄭

劉靖撰